

新工程合約工地安全講座(27/9/2022)

總建築師/七 余慶儀女士的歡迎詞

各位嘉賓、各位業界嘅朋友、各位同事午安，

歡迎大家出席今日網上直播版嘅**新工程合約工地安全講座**！

我亦特別感謝今日嘅演講嘉賓，在疫情其間仍然鼎力支持為我們分享最新嘅工地安全資訊。

政府撥款成立建造業創新及科技基金，鼓勵業界持份者廣泛採用創新建築方法及科技，促進生產力、提高建造質素、改善工地安全及提升環保效益。至於怎樣申請基金？我哋今日邀請咗**建造業議會經理-行業發展 陳子恩先生**為我們介紹「建造業創新及科技基金及安全相關預先批核科技」。

「組裝合成」建築法是一種創新嘅建築方法，業界要了解相關知識，面向未來。**香港建造學院建造專業進修院校講師 陳銘恩女士**介紹的「組裝合成建築課程」，會是大家一個非常合適嘅選擇。

科技日新月異，因此我哋邀請了**數碼通銷售經理 司徒毓慶先生**為大家分享「5G應用共創」，透過高速及大量嘅數據輸送，容許更多更快嘅訊息傳遞，有助更早實現智慧工地嘅目標。

小休之後，**米泰域數碼有限公司行政總裁 淘滿勳先生**會為大家介紹香港建造商會新推出嘅「擴增實境工地安全座談訓練」套件，希望能夠提高工友學習嘅成效。

近年房委會新工程建築規格開始加入咗智慧工地裝置要求，大家都想知點樣利用收集咗嘅數據做分析以提升工地安全，因此我哋邀請了**倬詠技術拓展有限公司業務發展總監 - 黃淨陶女士**來同業界分享數碼分身技術及應用（工程及設施管理）。

房署一直十分關注工地安全，我哋每季都夥拍職業安全健康局於房委會新工程工地進行「**安全稽核**」和「**突擊安全巡查**」。除了查找安全不足之處之外，更重要嘅係直接與前線人員溝通，提高工地安全意識。稍後，職業安全健康局高級顧問**方立行先生**及**許家友先生**會為我們分析 2021 年第 4 季至 2022 第 2 季嘅安全稽核同突擊安全巡查嘅結果。

按世界衛生組織估算，心腦血管病已成為人類嘅頭號殺手。職業安全健康局 高級顧問**劉焯明先生**來分享「**護心計劃**」，防止心腦血管病嘅相關措施，值得大家留意。

最後，希望大家保重身體，注意健康及緊記工地安全。

大家亦可以隨時瀏覽房委會嘅工地安全網站 www.housingauthority.gov.hk/sitesafety 並將今日嘅安全訊息帶返工地，一齊將安全訊息傳播出去。 多謝。